

ZAPISNIK I ZAKLJUČCI SA PRVOG RADNOG SASTANKA PODODBORA UPKP FBiH ZA VODOSNABDIJEVANJE I KANALIZACIJU U FEDERACIJI BiH

9 maja 2017. godine na Vlačiću je održan radni sastanak Pododbora UPKP FBiH za vodosnabdijevanje i kanalizaciju. Predsjednik Upravnog odbora UPKP FBiH gosp. Babić Selim, pozdravio je prisutne, poželio uspješan rad i naglasio da je ovo jedan od segmenata kojim UPKP FBiH pokušava dati podršku i pomoć svojim članicama. Voditelj Pododbora gosp. Kekić Edin i zamjenik gosp. Čaušević Osman su u kratkim crtama predstavili rad Pododbora UPKP FBiH, uz želje da se sljedeći put okupimo u što većem broju. Na sastanku je prisustvovalo oko 20 predstavnika Vodovodnih JKP iz FBiH, predstavnici Aquasan mreže BiH i predstavnik Međunarodnog udruženja vodovodnih preduzeća u slivu rijeke Dunav (IAWD). Učesnici su izrazili zadovoljstvo pruženom prilikom da razmjene informacije, ali i da saznaju više o ponudi međunarodnih finansijskih institucija i donatora, te da pokušaju uskladiti potrebe i ponude.

Važna tačka dnevnog reda bila je potreba potpisivanja Memoranduma o razumijevanju za prikupljanje podataka o stanju Vodovodnih JKP u BiH. Učesnici su upoznati da je Ministarstvo vanjske trgovine i ekonomskih odnosa BiH, tj. Sektor za vodne resurse, turizam i zaštitu životne sredine, dalo saglasnost da se BiH priključiti platformi DANUBIS, kojom bi se postiglo unapređenje rada svih vodovodnih JKP u BiH.

U okviru projekta GIZ, ORF i MMS sprovodi se ispitivanje tržišta u svrhu razvijanja proizvoda koji su ekonomski održivi i usmjereni ka zahtjevima tržišta, s ciljem da se poboljšaju usluge u sektoru vodoprivrede u JE. Nakon prikupljanja podataka, sagledavanja stanja i istaknutih problema u poslovanju Vodovodnih JKP, predstavnici Pododbora UPKP FBiH će sugerisati međunarodnim organizacijama koji su najčešći problemi koje treba rješavati preko ponuđenih projekata, koje finansiraju međunarodne organizacije. Zajednički zaključak svih učesnika je da svi moramo biti aktivniji i da se trebamo uključivati u ponuđene projekte. UPKP FBiH ima obavezu koordiniranja i kontakta sa članicama, u suprotnom vodovodna JKP BiH neće se imati mogućnost apliciranja za projekte koji će se finansirati od međunarodnih organizacija i to isključivo preko UPKP FBiH i Udruženja vodovoda RS.

Tokom sastanka i putem prezentacija, „Program jačanja kapaciteta u JVP u BiH“ i „Regulatorni okvir za određivanje cijena usluga vodosnabdijevanja i kanalizacije“, predstavljeni su mogući pravci djelovanja u cilju rješavanja izazova sa kojim se susreću JKP u BiH po pitanju održivosti kvalitete vodnih usluga, odnosa sa osnivačima i drugim nivoima vlasti i sl.

Kao glavni zaključci sastanka izdvojeni su:

1. Daje se podrška DANUBIS platformi koju finansira IAWD i Svjetska banka i UPKP FBiH da se pokrenu aktivnosti na prikupljanju podataka.
2. Podržava se rad Pododbora UPKP FBiH za vodosnabdijevanje i kanalizaciju i daje se ovlaštenje voditelju gosp. Kekić Edin, da može potpisati Memorandum o razumijevanju za prikupljanje podataka o stanju Vodovodnih JKP u BiH, uz tačno definisanje obaveza koje proističu iz Memoranduma.
3. Daje se preporuka Vodovodnim JKP u Federaciji BiH da se uključe u Program jačanja kapaciteta, prvenstveno u 3 programa: **Upravljanje ne-prihodovanim vodom, Energetska efikasnost i Upravljanje imovinom.**
4. Potrebno je značajno ojačati saradnju Vodovodnih JKP u FBiH sa UPKP FBiH i SOG FBiH, kako bi se mogle sačiniti određene analize stanja vodovodnih JKP u FBiH i zajednički nastupati prema određenim međunarodnim organizacijama za projekte (GIZ ORF MMS).
5. Vodovodna JKP u Federaciji BiH podržavaju Prijekat UNDP-a „Metodologija za određivanje cijena usluga vodosnabdijevanja i kanalizacije“, gdje je potrebna dodatna podrška u razmatranju regulatornog okvira u svrhu pripreme sistematičnih rješenja i preciznog definisanja nadležnosti, odnosno prava i obaveza, uloga i odgovornosti svih učesnika.
6. Potrebno je organizovati seminar Vodovodnih JKP u FBiH o primjeni Metodologije, nakon dobijenih rezultata iz pilot preduzeća JKP „Rad“ Tešanj i JKP „Komunalno“ Teslić, (avgust ili septembar).

VODITELJ PODODBORA UPKP FBiH KEKIĆ EDIN